



vischnaunca da
sumvitg

Reglament per la dismessa da rumians

C u n t e g n

I.	Determinaziuns generalas	3
Art. 1	Pensum dalla corporaziun da vischnauncas Surselva	3
Art. 2	Pensum dalla vischnaunca	3
II.	Rimnar e deponer rumians enteifer la vischnaunca	3
Art. 3	Informaziun	3
Art. 4	Rumians che vegnan rimnai dalla corporaziun	3
Art. 5	Rufids da baghegiar	4
Art. 6	Humus e material da scavament	4
Art. 7	Rumians reciclabels	3
Art. 8	Curdeims da gronda dimensiun	4
Art. 9	Curdeims per compostar	4
III.	Taxas	4
Art. 10	Taxas annualas	4
Art. 11	Taxas specialas	5
Art. 12	Incasso dallas taxas	5
IV.	Determinaziuns finalas	6
Art. 13	Surpassaments	6
Art. 14	Abrogaziun e vigur	6

Sin fundament dalla ordinaziun pertuccont la dismessa regionala da rumians sco era la ordinaziun executiva tier la sura ordinaziun relai la vischnaunca da Sumvitg il suadont reglament per la dismessa da rumians.

I. Determinaziuns generalas

Art. 1 Pensum dalla corporaziun da vischnauncas Surselva

¹ La corporaziun da vischnauncas Surselva (corporaziun) ei enteifer sia regiun responsabla per ina dismessa adattada dils rumians che risguarda las prescripziuns cantunalas e federalas e schanegia igl ambient.

² La corporaziun organisescha la rimnada sco era la deponia resp. il barschar ils rumians.

³ La repartiziun dils cuosts per ils indrezs ed il survetsch per la dismessa regionala da rumians (rimnadada, deponia resp. barschar) vegnan reparti tenor il principi dil caschunader (taxa da sac) ed tenor ina clav generala per ulivaziun dils cuosts (taxa annuala fundamentala per mintga vischnaunca, mira art. 11).

Art. 2 Pensum dalla vischnaunca

¹ La vischnaunca da Sumvitg separticipescha alla dismessa regionala da rumians dalla corporaziun tenor ordinaziun da quella.

² La vischnaunca da Sumvitg ei responsabla per la dismessa dils rumians che vegnan buca rimnai directamein dalla corporaziun. Ord quei motiv organisescha ella sezza ni en collaboraziun cun organisaziuns ed interpresas specialisadas la rimnada, il deponer ed ev. era il tractament dils rumians che vegnan buca rimnai directamein dalla corporaziun.

Art. 3 Informaziun

La suprastonza communal ei responsabla per ina cunvegienta ed actuala informaziun da vischinas e vischins pertuccont il tractament, la rimnada ed il deponer rumians.

II. Rimnar e deponer rumians

Art. 4 Rumians che vegnan rimnai dalla corporaziun

La rimnada periodica dils rumians entras la corporaziun succeda tenor las prescripziuns da quella. Ils rumians ston vegnir deponi els loghens fixai dalla corporaziun resp. dalla suprastonza communal. Tut deponer rumians e rufids en auters loghens en vischnaunca ei scumandau.

Art. 5 Rumians reciclables

¹ Ils rumians reciclables vegnan rimnai e deponi tenor indicaziun dalla suprastonza communal.

² La vischnaunca sco era organisaziuns ed interpresas specialisadas mettan a disposiziun indrezs per rimnar rumians reciclables e quei tenor pusseivladad en differents loghens centrals dalla vischnaunca.

Art. 6 Rumians da gronda dimensiun

La dismessa da rumians da gronda dimensiun vegn organisada periodicamein entras la suprastonza communal.

Art. 7 Rumians da baghegiar

¹ Rumians da baghegiar sco lenna, quadrels (Backsteine), tievlas, material artificial, material da pachetar e.a.v. ston vegnir rimnai e deponi sin la deponia dalla corporaziun da vischnauncas a Rueun resp. sin la deponia da recicladi dalla vischnaunca.

² Tier la construcziun da baghetgs novs sco era tier sanaziuns pli grondas da baghetgs existents sto vegnir tschentau ina mulda per la dismessa adattada dils rumians da baghegiar.

³ Per deponer rumians da baghegiar sin la deponia dalla corporaziun a Rueun resp. sin la deponia da recicladi dalla vischnaunca sto vegnir pagau las taxas corrispudentas.

Art. 8 Humus e material da scavament

¹ Humus e material da scavament vegnan deponi enteifer la vischnaunca els loghens fixai entras la suprastonza communal.

² La suprastonza communal metta a disposiziun las necessarias deponias sin agen terren ni tenor cunvegnientscha era sin terren privat.

³ La suprastonza communal ei responsabla per uorden sin las deponias e per igl incasso dallas taxas.

Art. 9 Curdems per compostar

¹ La suprastonza communal duei tenor pusseivladad organisar e menar ina deponia per curdems da cuschina, d'iert e da curtin sco era per auters curdems da quei gener.

² La suprastonza communal sa sin giavisch incaricar personas qualificadas per dar sclariment sur dil cumpostar ni per dar cuors da cumpostar.

III. Taxas

Art. 10 Taxa da sac

La taxa da sac vegn fixada ed adattada entras la corporaziun da vischnauncas Surselva.

Art. 11 Taxas annualas

¹ Ils cuosts fix per la dismessa dils rumians adossai alla vischnaunca entras la corporaziun vegnan reparti tenor differentas classas da caschunaders tenor al. 3.

² La repartiziun sin las differentas classas vegn fixada en cumparegliaziun cun ils rumians che vegnan caschunai en ina habitaziun cun 1 persuna. Il diember dallas persunas per habitaziun vegn quintaus exclusiv las persunas che habiteschan mo alla fin d'jamna leu.

³ Las classas da caschunaders vegnan partidas en e quantificadas sco suonda:

a) habitaziuns cun 1 persuna	1.0
b) habitaziuns cun 2 persunas	1.5
c) habitaziuns cun dapli che 2 persunas	2.0
d) habitaziuns da vacanzas	1.0
e) tegias da mises che vegnan duvradas u schadas vi per diever da vacanzas	1.0
f) menaschis 1: bancas, biros, stizuns e menaschis pigns cun paucs rumians	2.0
g) menaschis 2: canzlia communal, pleivs, menaschis mesauns sco ustrias, garaschas, stagners, fatschentas d'installaziuns, picturs e.a.v.	4.0
h) menaschis 3: menaschis pli gronds cun bia rumians	8.0
i) menaschis 4: tuttas scolas e scolettas ensemen, fatschentas da baghegiar e menaschis cun specialmein biars e differentes rumians	12.0

⁴ En cass da direzia sa la suprastanza communal sin ina damonda corrispudenta conceder in levgiament da pagament.

Art. 12 Taxas specialas

¹ En cass spezial fixescha la suprastanza communal las taxas a norma dils cuosts caschunai. Aschilunsch che organisaziuns privatas sorprendan la rimnada da curdems reutilisabels sa la suprastanza communal fixar indemnizaziuns specialas.

² Eventuals cuosts che seresultan ord la rimnada speciala e deponia enteifer la vischnaunca san vegnir adossai als caschunaders.

³ La taxa per deponer material da scavament sin deponias
ufficialas da vischnaunca munta

8.-- frs./m³

⁴ Humus sa vegnir deponius gratuitamein els loghens indicai dalla suprastanza communal.

Art. 13 Incasso dallas taxas

¹ Ils quens per las taxas annualas vegnan tarmess dall'administraziun communal. Il pagament ei da far enteifer 30 dis.

² Per pagaments fatgs suenter il termin fixau vegn incassau in tscheins da retard.

IV. Determinaziuns finalas

Art. 14 Surpassaments

¹ Tgi che cunterfa a quest reglament u a prescripziuns che sebasan sin quel vegn castigaus dalla suprastonza communal cun frs. 30.-- tochen 1'000.--. Resalvau restan ils castitgs previ tenor ordinaziun dalla corporaziun resp. dil dretg cantunal e federal.

² La suprastonza communal pretenda ch'il caschunader remetti il fatg el stan primar. Dat el buca suatientscha a quei camond enteifer il termin stipulau, sa la suprastonza communal schar exequir las mesiras necessarias entras tiazas persunas sin donn e cuost dil caschunader.

Art. 15 Abrogaziun e vigur

¹ Quest reglament remplazza il reglament per la dismessa da rumians dils 27 d'uost 1993.


² Quest reglament ei vegnius approbaus dalla radunonza communal dils 19 d'avrel 1999 e va en vigur cun igl 1. da schaner 2000.

il president communal



Placi Michèl Wenzin

igl actuar communal



Martin Monn